



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

19.

Q. D. T. O. M. B. V.  
 DISSERTATIO INAUGURALIS PHYSICO-MEDICA,  
 DE  
**MAGIA NATURALI,**  
 EJUSQUE USU MEDICO AD  
 MAGICÆ ET MAGICA  
 CURANDUM,

*Quam*  
 INDULTU ILLUSTRIS AC GRATIOSÆ  
 FACULTATIS MEDICÆ  
 IN ALMA ET PERANTIQUA ELECTORALI HIERANA  
 PRO  
**L I C E N T I A**

*Summos in Arte Medica HONORES & PRI-*  
*VILEGIA DOCTORALIA ritè*  
*impetrandi,*

Publico Eruditorum Examine exposit

**JOHANNES NICOLAUS**  
**MARTIUS**, Erffurtensis,

*Die 21. Maji, Anno M. DCC.*

In Auditorio Majore Collegij Majoris,  
 Horis consuetis.

ERFORDIÆ,

Excudebat JOH. HENR. **Grosch**/ Acad. Typogr.

4

1917

1918

1919

1920

1921

1922

1923



## PROŒMIUM.

**M**Iraberis forsā, C.L., me, cum aliquod Medica Doctrina Specimen exhibendum erat, odiosam banc atque invisam materiam selegisse, nemini fermē non suspectam; Ast si mecum reputaveris, non leve esse vitium, cum quis benevolentia magis ac dextrō lectoris judiciō captandō, quā evolvendā veritate utilitateque respicienda ductus, aliquid in lucem, emittit, mirari desines, curiosum hoc aequē ac utile, argumentum me pertractasse, praesertim cum id inperantiqua nostra Universitate nunquam adhuc, quantum equidem scio, publicē excussum sit atque defensum. Insons MAGIÆ nomen valde quidem, licet immeritō, esse suspectum optimē scio, ast ob rei abusum artis usum non tollendum judica. Parum praterca laudis & assensus lucraturam hancce, Dissertationem apud plerosque facile praevidere potui, eos praesertim, quorum ingenium varijs conpatum praedictis nil rectum putat, nisi quod con-

ceptis nonnullis illorum idcirco & incertis Præceptorum opinionibus conveniat : Quod & parum curd. Is enim seculi nostri genius est, ut, quam quis sibi finxerit hypotbesin, accuratissimam credendorum & agendorum normam esse sibi persuadeat, juxtaquam & omnia examinanda, & quæ eidem non adeo conformia, statim rejicienda existimet. Verum quantum hoc modo animus præpediatur, quominus veritatis tramitem invenire ac calcare possit, experientia abundè testatur. Ideoq; sinistra malevolorum judicia mitto, probe gnarus, non omnia omnibus probari posse, neminemque, quamvis maximo nisu veritatem prosequatur, omni ex parte in hac re esse aut fore beatum. Vale tu ergo, C. L., & si tibi placeant hæc pagellæ, DEO summo summa sapientia conditori omne bonum acceptum referas, humana verò imperfectioni immixtos adscribas errores velim; sin minus, easdem vel cremare meâ quidem pace licebit. Vale!

## CAPUT I

De

## MAGIA IN GÉNERE EJUSQUE SPECIEBUS.

S. I.

**M**agia dicitur & μάγικα dicta, hujus significationem sequitur. Μάγικον vocabulum μέγας esse & tam in bonam, quam in malam partem sumi, ipse sacer codex docet, *Marshallus* enim *Cap. II.* ter *Magorum* mentionem.

facit ~~magum~~ Virorum venerabilium & instinctu Divino  
 in sanctam terram ductorum : Contra ea *Lucas in Aposto-*  
*lorum actis Cap. VIII, 9. 18.* refert impietatem *Simonis*, qui  
 Samariæ *μαγίστων* permultos *ταῖς μαγίαις* deceperit, &  
*C. XIII, 8.* narrat portinaciam *Elime* ἑμάγυ, quanquam  
 hoc loco appositum vocabulum τὸ μαγευμένον simpli-  
 cem unius lingvæ interpretationem per aliam designare,  
 & ὁ μάγος scientem indicare videtur. *Elim* enim apud *Ar-*  
*abes scientem* notare observavit *Ludovicus de Dieris*. In  
*Danielis vaticinijs*, quoties nomen *ΜΑΓΩΝ* occurrit, septua-  
 ginta interpretes id constanter per *μάγος* exposuere. Si-  
 gnificat autem *ΜΑΓΩΝ*, uti *Eduardus Leigh* ex *Spanhemio*  
 notat, ex affatu aliquid cognoscentem, vel sidera crepuscu-  
 li tempore observantem, quandoque *Philosophum* in genere,  
 quandoque *Astrologum* vel *Medicum* in specie. Plurimi  
 Critici vocabulum *μάγος* Persicum origine esse, sapienti-  
 temque significare, cum *Platone*, *Strabone*, *Herodoto* aliis-  
 que affirmant. Hinc *Suidas*: *μάγοι*, inquit, *παρὰ πέρσους*  
*ἱ. Φιλόσοφοι καὶ Φιλόσοι*. *Magi* apud *Persas sapientes fue-*  
*runt Deumque amantes*. De voce *μαγία*, naturam primi-  
 tivi sui sequente, idem sentiendum. Id enim *μέγας* esse,  
 testatur *Hesychius* dicens: *Μάγος τὸν δυνάμειον Φαρμακευ-*  
*τὴν τὸν ἱεροσφῆ καὶ ἱερόλογον καὶ ἱερεῖα οἱ πέρσων ἕτας λέγουσιν*.  
*Magum dolosum venescitum: Persa autem primum, Theologum*  
*& Sacerdotem ita appellârunt.*

§. 2. Ex jam dictis patet *Magum* sancto sensu olim  
 significasse hominem divinarum & naturalium peritum,  
 qui *Physicis & Mathematicis scitis* conjunctis stupendæ deo  
 miracula, divinas virtutes per otium contemplari, aliosque  
 iisdem mysteriis initiare potuerit. Cum autem à rectis stu-  
 diis, præsertim *physicis & mathematicis*, proclivis sit ad

curiositatem lapsus , Magi nonnulli infames esse coeperunt, dediti nimirum diabolicis divinationibus , incantationibus maleficis ac in mirabilibus effectibus producendis Satanz consiliis opeque adjuti, omisâ sedulâ naturæ inquisitione. Hinc factum, ut & *Magia* in malam partem sit sumpta, denotans *beneficiorum scientiam*, cum alioquin laude suâ non careret τὴν τῶν ἰσθῶν ἡγεμίαν. ἰ. ε. *Deorum melam*, Platone fatente, tradens.

§. 3. Communis quidem , at culpandus hominum, mos est , ut ob rei abusum , statim & usum damnent. Id ubi sedulî naturæ scrutatores & *Magie* contigisse viderunt , verum à falsò , utile ac necessarium à curiosò secernere, studentes, illam diviserunt in *naturalem*, *artificialem* seu *mathematicam* & *diabolicam*. *Naturalem Magiam* , de qua in subsequētibz capitibus prolixius sumus acturi, silentiò hic præterimus , in hoc capite quænam sit *artificialis*, quæ verò *diabolica* tantum explicantes.

§. 4. *Magia artificialis* seu *mathematica* sagacissima naturæ æmula sine naturalibus virtutibus , solis disciplinis mathematicis nixa , stupenda naturæ operibus simillima, producit. Hanc qui exercere cupit , acutissimò ingeniò & excellenti judiciò præditus , solidâque physices & mathe-seos scientiâ instructus esse debet , si quid admiratione, dignum in hoc genere præstare velit. Non satis mirari possum Majores nostros , qui ope hujus *Magiæ* tanta per-petrârunt , quanta vel aspicere solum posteri vix sunt ausi. *Archimedes* & *Laurentius Florentinus* sphæras motu proprio præditas fabricârunt. Confecit *Drebbelius* globum vitreum, in quo se totum creationis opus aperuit. *Archibea Tarentini* columbam ligneam volantem, *Alberti Magni* caput ligneum loquens , & columnam *Boëthij Ravennensis*

*sis se se ab oriente versus occidentem cum Sole vertentem*, quis est, qui nesciat? Notatu sanè digna aquila illa lignea *Regiomontani*, quæ Imperatori Maximiliano, cum Noribergam veniret, obviam facta, lentò cum volatu in urbem comitata est; ut & musca ejus ferrea, quam si è manu emitteret, in hypocausto circumvolitabat, tandemque ad locum suum revertebatur. Quis sine admiratione adspexit *Stevini* currum ventosum, quo duarum horarum spatio septendecim milliaria profectus est? Huc spectat ars aëronautica, cujus nullum specimen curiosis adhuc est exhibitum, num vero in posterum tale quid sit sperandum, dubito. Ex *Euclidis* quidem principiis demonstrari vix poterit. De hac Magiæ specie cui plura legere animus est, evolvat *Cass. Schotti Cursum Mathematicum Lib. XXIX. Bamberg. 1677. fol. Ejusdem Magiam Naturalem Herbipol. 1657. 4to. Ejusdem Magiam Universalem Naturæ & Artis Bamberg. 1662. 4to. Gvericke Experimenta Magdeburgica Amstelod. 1672. fol. Clavem Machinarum Anonymi, Watsonii Unionem Sapientiarum &c. Heint. Corn. Agrippa judicium de hac Magiâ vide in ejus Tr. de Vanitate Scientiarum Cap. XLIII. p. 166.*

§. 5. *Diabolica Magia*, humano generi maximè noxia, cognitio est mirandos damnososque effectus producendi, directos in perniciem propriæ animæ proximique corporis. Semper hæc pactum cum Satana supponit, siue explicitum illud sit, siue implicitum. Explicitò venefici & lamiæ tenentur; implicitò irretiuntur illi, qui vanis superstitionibus, ceremonijs, verbis, characteribus &c. fidentes ex justo DEI judicio & permissu optatum effectum consequuntur horrendâ ope diaboli, qui data quâcunque occasione fidem superstitionibus suis facere studet. Effectus



hujus Magiæ ratione causarum sunt diverſi. Alii absque ullo Dæmonum concursu ex meris causis naturalibus dependent, & ad naturalem Magiam referendi essent, si ex diligenti virtutum naturalium scrutatione, non vero ex informatione & schola Satanz provenirent. Hujus generis sunt pediculorum, murium aliarumque animalculorum productio, viri potentiz ligatio, morborum sanatio, eorumque in alios translatio, poculorum amatoriorum paratio, &c. In aliis ad causas naturales insufficientes accedit opera Dæmonum, ut actio in mixta ex inde oriatur, v. g. Tempestatum turbatio [*das Wettermachen*/] præstigiæ sive occæcatio [*die Verblendung*] &c. Alia denique sine ulla concurrente virtute corporum naturalium per solos impuros spiritus ad satisfaciendum desiderio & petitis sagarum perficitur. Huc spectat iter ad sagarum comitia, (*das fahren der Hexen nach dem Bloßfelsberge*/) oculorum privatio, (*das Augen ausſchlagen*/) &c. Ea vero est Satanz astutia in perficienda hæc ultimâ Magiæ diabolicæ specie, ut semper lamiis aliquam operationem præcipiat, hisque persuadeat, effectum non à semet solo, sed ab operatione docta in primis proficisci.

§. 6. Quantum commodum piis ac probis Medicis (reliquorum, qui ob divini timoris defectum ad superstitionem impiarumque rerum imitationem seduci facile possunt, animabus valde noxia erit,) effectuum Magiæ diabolicæ cognitio in cognoscendis & curandis morbis ex fascino afferat, infra Cap. V. docebo. Exercitium autem omne prorsus interdictum lege non solum divinâ, sed etiam Jure Civili. Lege enim *Cornelia* venefici capite damnantur, qui artibus odiosis tam venenis, quam fufurris magicis homines occiderint, vel mala medicamenta publice vendide-

vendiderint. Vid. *tit. Inst. de pub. l. judic. §. 5. Et l. 4. §. 6. Cod. de Malefic. & Mathemat.* illi puniendi, imo ferali peste absumendi, (igne cremandi) censentur, qui magicis accincti artibus aut contra salutem hominum moliti, aut pudicos animos ad libidinem deflexisse, aut elementa turbasse, vitamque infontium labefactasse deteguntur. Quæ leges & poenæ num. se. & ad naturalem Magiam in perniciem hominum applicatam extendant, J. Cuius judicandum relinquo. Interim non video, cur *Celeb. Bæckelmann in Compend. Instit. imp. Justin.* circa finem opinetur, Constantinum aliquid Christiano Cæsare indignum fecisse, quod c. l. 4. Magiæ naturali patrocinetur prohibens, ne ullis criminationibus implicentur remedia humanis quæ sita corporibus, aut in agrestibus locis innocenter adhibita suffragia &c. Caterum hæc occasione excusandus mihi venit *Heinricus Cornelius Agrippa à Nettesheim*, cujus summam eruditionem cum vera pietate conjunctam non satis mirari possum in pulcherrimo ejus Tractatu de *Vanitate Scientiarum*. Refertur autem inter veneficos ac magicos doctores à *D. D. Pfitzero* in eruditione præclara plenis ejus animadversionibus ad *vitam D. Faustii p. 15. & 172.* partim ob librum de *Occulta Philosophia*, partim ob anilem quandam fabulam de cane ejus *Monsieur* dicto. Ad librum dictum quod attinet, tractat in eo occultam Philosophiam, non ex propria, sed veterum Magorum mente, unde non potuerunt non permulta mala bonis misceri, præsertim cum illam non mutilam & mancam, sed uti à majoribus tradita erat, omnibus partibus absolutam edere vellet. Eadem fere methodo usus *Marfilinus Ficinus Florentinus* in commentariis in Plotinum de *Vita cælitus comparanda* inscriptis, ideo tamen non statim Veneficis annumeratur. Et ipse qui-

dem *Corn. Agrippa* vanam juventutis curiositatem dolet, quæ ipsum ad conscribendam occultam Philosophiam seduxit. Digna sunt ejus verba, quæ ex *Tr. de Vanitate Scientiarum Cap. XLVIII. p. m. 189.* hûc ponantur: *Demagici*, inquit, *scripsi ego juvenis. adhuc libros tres, amplò satis volumine, quos de occultâ Philosophia nuncupavi, in quibus quicquid tunc per curiosam adolescentiam erratum est, nunc cautior hâc palinodiâ recantatum volo; permultum enim temporis & rerum in his vanitatibus olim contrivi. Tandem hoc profeci, quod sciam, quem iis rationibus oporteat alios ab hac pernicie debortari.* Hæc ille. Anilis verò ista fabula me non movet, novi enim mundi genium, qui ejusmodi mendaciorum multa millia unâ horâ adversus veritatis cupidos veramque sectantes pietatem fingere sine ullâ operâ valet. Cæterum de hujus Viri pietate abundè testatur *cit. lib. de Vanitate Scientiarum*, præfatio præsertim, ubi inter alia dicit: *Habeo, quo me tuear, verbum DEI, quod ego his pro clypeo scutoque intrepidus opponam. Et si oporteat, qui pro illo lubens tantos in me concitavi hostes, libens etiam occumbam, priusquam deseram.* Eadem fermè ratione est defendendus Polyhistor ille Anglus *Robertus Fludd à Fluctibus*, aliique pij ac seduli Naturæ scrutatores.

§. 7. Sed quid de *Cabbalâ*, *Geomantiâ*, *Necromantiâ*, *Ibaurgiâ* &c. statuendum? Cuinam illæ annumerandæ sunt *Magia* speciei? *Cabbala* in sensu latiori sumpta & Judæis dicta de *Breschith*, rerum creaturum, naturalium & cœlestium vires explicat, sacrique codicis arcana Philosophicis rationibus exponit, idèdque à *Magia* naturali parum aut nihil differt. Hanc secuti sunt *Moses Egyptius* in explanationibus suis super Pentatevchum & plures *Tbalmudistæ*. *Cabbala* autem de *Marcana*, in sensu strictiori sumpta, Theologia

logia quasi symbolica est, quæ ex literis, accentibus, numeris, nominibus, figuris &c. profunda mysteria & artana, ostendere creditur. Equidem sub literis & numeris aliquid latere, incicias ire nolo. Peritum lingvarum orientalium opificem nuper offendi, qui mihi literarum originem & fundamentum confusionis lingvarum tam clarè ostendit, ut ejus acutissimum judicium non satis mirari potuerim. Verum quoniam in Cabbalistarum libris per plurima vana sunt atque futilia, alijs hanc scientiam examinandam relinquo. Literis & Characteribus num aliqua vis in corpora naturalia agendi insit, infra *Cap. III.* videbimus. De *Geomantia* prolixa traditur doctrina, quam tamen, quia nullis firmis fundamentis naturalibus nititur, silentiò præterire lubet. De *Necromantia* & *Theurgia* quid statuentum sit, quivis facile videt. Qui *Magie diabolica* & sagarum historias, operationes, examina & pœnas scire cupit, evolvat sequentes Autores; *Mart. Del Rio Disquisitionem Magicam. Job. Georg. Gödelmanns Tract. de Magis, Veneficiis & Lamiis. Job. Bodini Tr. de Magorum Damonomania. Paul. Chirland. Tr. de Sortilegiis. Lamberti Douai Tr. de Sortariis. Remigij Demonolatriam. Daniel. Fabr. Die Höllische Zaubertn. Circe. Lipsf. 1699. 8. Pfitzers Hergerliches Leben und schreckliches Ende Fausts. Norib. 1695. 8. Cabbalam*, quam admirationi excitandæ, non veritati inquirendæ inservire *Morhoffius* judicatin *Lib. II. c. 7.* tractarunt *Liber Sobar*, Autore *R. Simeon Ben Joachai. Job. Reuchlini Opus de Cabbalâ seu Symbolicâ receptione & admirificò Francosf. 1672. fol. recusum. Job. de Lanischhoff Tract. de Arcana numerorum Magia, quam Algebra & Cabbala præsententur. H. Corn. Agrippa Occulta Philosophia. & Liber de Cabbala, qui Salzbachij prodit. 1648. fol. Geo*

*mansiam* tradunt *Tabula nova Geomantica* ex MSS. de ann. 1535. 8. Francof. à Zúñero edita. 1692. ut & Rob. Fludd à *Fluctibus Liber de Geomantia*, qui Opp. in Anglia in fol. excusis insertus est. De *Neuromantia* & *Theurgia* vid. MSS. *Aponymi Arbatet dictum*, *Francisci Mancij Disquisitionem de Magiâ Divinatricæ & Operatricæ* Francof. 1683. & *Casti. Peuceri Commentarium de præcipuis generibus Divinationum*. 8. Witteb. 1572. Plerique autem allegatorum librorum optimò adhibito iudicio legendi, ne probanda rejiciantur & rejicienda probentur, sed optima quæque seligantur.

## CAPUT II.

DE

### MAGIA NATURALI IN SPECIE, ET DE EJUSDEM PRINCIPIS.

§. I.

**P**ropius nunc ad scopum accedamus; & tertiam *Magia* speciem, *naturalem* scilicet accuratius examinemus. Hæc nil aliud est, quam occultior *istâ veterum sapientum naturalis Philosophia*, per quam tanta miracula fecerit, ut horum ignaros in admirationem rapuerint. *Marsilius Ficinus*, qui cum omnibus ferme *Magis* astrorum influxum agnoscit, hanc *Magiam* ita definit: *Naturalis Magia est, quæ rebus naturalibus ad prosperam corporum valetudinem celestium beneficia captat. Vel: quæ naturales materias opportunè causis subjicit naturalibus mirâ quadam ratione formandas.*

§. 2. Ratione finis *Magia naturalis* vel licita est, vel illicita: Illa vel curiosa vel necessaria. Curiosa *Magia*, quamvis ad hominum salutem non immediate conferat, excitat tamen animos ad laudandum Numen Divinum per mirandas

mirandas corporum naturalium virtutes, *Hofferus in Her-  
cul. Med. p. 110.* refert ex herba Basilico scorpiones parari  
posse, illis qui ex Italia afferuntur simillimos. Modus pa-  
randi hic est: & Basilici mense Julio vel Augusto q.v., con-  
tunde ac si succum exprimere velis. Massam contusam  
tegula ita calefacta, ut tactam non admittat, illine erasitu-  
dine trium digitorum, superadde dein similem tegulam,  
& ambas muni luto ex stercore equino & argilla parato.  
Tegulas sic conjunctas per mensem in cella relinquo, si  
postea aperueris, scorpiones inde profluentes inuenies.  
Huc spectat productio formarum *Borelli Obs. Physico-Med.  
Cent. IV. Obs. 62.* & modus ex uno vel altero cancro in cir-  
nerato permultos viventes caneros iterum producendi,  
(*Vid. lib. cit. Cent. IV. Obs. 34.*) ut & lampas vitæ *Burggra-  
ff*, certissimus sanitatis morborumque index, cujus clario-  
rem descriptionem vide in *Boguni Tyroc. Chym. L. III. c. 1.  
§. 2.* *Necessaria* commodum & salutem humani gene-  
ris solum & immediate intendit. Huc referenda sunt o-  
mnes curationes magica & magnetica, philtia benigna  
& vera in bonum finem destinata, ut & sympathetica vir-  
gula Mercurialis præparatio ad certum quoddam metal-  
lum tangendum, cujus mentionem facit *Mattb. Willen de  
Virg. Mercur. Magia illicita* est, quæ dirigitur in damnum  
proximi, ejusque corpori nocet per media naturalia.  
Hinc Magi sine æra charitate erga proximum destituti, pos-  
sunt e. g. omnes pullos ovis adhuc inclusos in domo qua-  
dam necare, equos claudicantes reddere, viri potentiam  
veneram ligare, homines in varios morbos & horrenda  
symptomata præcipitare, febrim scilicet, Iscuriam, atrophiam,  
ingentes dolores, Dysenteriam, deliria, insanum amo-  
rem &c. fascinationes in sagas ignotas remittere, illas gra-

visissimis affligere doloribus, ad patientes à se fascinitas accersere &c. Motus autem hæcce perpetrandi, quamvis mihi notus sit, silentiò tamen eum præterire lubet, ne impiis proximò nocendi ansam præbeam, atq; alterius peccatorum participem me reddam. Non enim Medici officium est corpus humanum morbis implicare & destruere, sed potius aut servare aut reddere sanum favente gratiâ Divinâ.

§. 3. Quoniam autem in explicandis *Magia naturalis* effectibus evolvendisquæ causis Physicus ac Medicus rationalis ad occultas qualitates confugere erubescit; rei autem veritas, obstante manifestâ experientiâ, absolutè negari nequeat; firma quærenda sunt fundamenta solidaque principia, ex quibus veræ actionum causæ deduci possint. Equidem inficias ire nolo, non omnium rerum manifestas causas dari posse; interim tamen & hoc fatendum, in permultis actionibus & curationibus, magicis præsertim & sympatheticis, rem vel per solam mechanicam sat clare demonstrari. Inde & ego, seposita ad tempus spirituum doctrina, magno isto Cartesiorum lapide offensionis, *actionem, indistans* Physicis dictam, quæ omnino supponenda hic erat, per solum mechanismum ad mentem *Illustris. Comitissæ de Dygbi* explicabo, ut liquido constet, magnetismum non nudis niq; superstitionibus, uti nonnulli mechanici Philosophi credidere. De *spiritu mundi* quædam præmittenda fuissent; verum quoniam materia spinosa nimis ac odiosa, lectori veritatis cupido commendo elegantissimum libellum *Excell. Thomasis* inscriptum: *Versuch von dem Wesen des Geistes*. in 8vo Halæ 1699. impressum.

§. 4. Septem præcipua fundamenta sunt, quibus *Actio indistans* tota innititur. Primum nemo inficiabitur,

omnia in toto terrarum orbe lumine esse repleta : Hoc à Sole præcipuè ortum ducens , radios suos undique fundit , qui si in motu suo ac effluxu ab objecto quodam impediuntur , quo minus libere transire queant , ad angulos collaterales se inflectunt , aliamque quærunt viam per lineam rectam , donec iterum impediti , & per varios tortuososque anfractus reflexi & debilitati evanescant. Motus pilæ propulsæ rem pulchrè illustrat. Qui plura de effluxu & reflexione radiorum legere cupit , consulat libros Mathematicorum Opticam tradentes.

§. 5. Isthic radij luminis , qui vel solam corporis superficiem tangunt , semper particulas seu atomos nonnullas , quando reflectuntur secum auferunt , eadem ferme ratione , quâ pilæ parieti nigræ aut humidæ allisa nigris aut humidis particulis conspurcatur. Lumen enim ceu velocissimus æther non potest non objecta attingere , attacta arrodere , arrosasque particulas secum abducere : quod experientia comprobat. Quando pannus humidus igni applicatur , observantur inter pannum & ignem nebulosæ particulae. Notus quoque vapor à sole è terra sublatus , in regionibus præsertim saltuosis & montanis. Hinc nonnulli existimarunt ventum nil esse , nisi fluxum atomorum de terrâ elevatorum ac hûc illúcque propulsorum , inde & ventos diversum spirare odorem pro diversitate locorum , ubi orti , remque per Æolipilam demonstrare sunt conati. Ast lectu dignum est de hac sententia iudicium *Exc. Thomasi* in libro supra allegato p. 100. 101.

§. 6. Aër quantus , atmosphericus præcipuè , qui nostra corpora ambit , ejusmodi atomis arrosis plenus est , id quod varia probant experimenta. Viperæ vitro inclusa maximum ex solò aere capiunt incrementum. Vi-



trictum, nitrum aliaque se augent per solum aeris affluxum. Notatu dignum, quod recenset Illustr. Dygbi de Ol.  $\square$ ri, quod in vere rosas efflorescentibus paratum, fragrantissimum rosarum odorem imitatum est, quem postmodum semper annò vertente repetiit. Aer Londini ab atomis carbonum fossilium ita conspurcatur, ut non solum lintea & stannum citò maculet, sed & ob sal acidum, ad phthilin faciliè disponat. Quæ de frigidis lunæ radiis, item de congelatione aquæ per lunam, &c. referuntur, ob instrumentorum defectum nondum tentare mihi licuit.

§. 7. Omnia corpora naturalia, quamvis non ex infinitis particulis constent, *infinite* tamen *sunt divisibilia*. Hoc assertum primo intuitu paradoxon videtur, verum si formalem rationem magnitudinis consideras, nullum absurdum deprehendes. Magnitudo enim sine divisibilitate concipi nequit, nec ex indivisibilibus ullum quantum componi potest. Experientia rem illustrabit. Auri unc. j. in multas myriades particularum dividi potest, quod in confectioe filorum & lamellarum aurearum abunde patet. Canes Anglici (die Englischen Docten) non solum hominem, qui ante aliquot horas præterierat, observare, sed & in lapidum acervo eum lapidem prehendere possunt, quem homo manu attigerat. Corium perfumatum Hispanicum, ut & unicus Ambre scrupulus centum ferme annos odorem spargit, quem non possemus perferre, nisi continuò minima avolarent corpuscula. Corvos per 200. vel 300. milliaria cadaverum odorem esse secutos, memoriz proditum est.

§. 8. Istæ autem subtilissimæ atomi, quæ à corporibus seunctæ in aërem avolarunt, sæpe per aliam viam, quam à causis communibus duci debebant, attrahuntur.

Attractio

Attractio quidem à Cartesianis rejicitur, illam tamen in  
 æræ natura observari, demonstratur vel ex sola corpo-  
 rum unione, quæ sine attractione concipi nequit. Mo-  
 tus enim propulsivus si à centro versus peripheriam tendis,  
 corpus in plura dividit, ut in vitris sclopeticis (*den Glas-  
 Tropfen oder verier Gläsern*) patet; sin vero à periphe-  
 ria ad centrum, plura quidem comprimuntur, compressio  
 autem corporum à verâ unione longe differt, uti sensus  
 communis & experientia testantur. De motu attractivo  
 plura invenies in *libro supra cit. Excell. Thomasi*. Est autem  
 attractio vel per suctionem, quam infantum lactatio & pot<sup>us</sup>  
 attractio per siphonem (*den Heber*) è dolio evincunt; vel  
 per particularum similitudinem; vel per ignem, qui aërem  
 ambientem cum atomis attrahit. Ignis enim semper ca-  
 lidas particulas ad peripheriam demittit, quæ quando re-  
 dire conantur, aërem ambientem humidiores secum du-  
 cunt. Huic fundamento innititur experimentum Hippo-  
 cratis ad corrigendum aërem contagiosum. Ideo etiam  
 panis recens coctus dolioque applicatus odorem mucedum  
 attrahit.

§. 9. Particulæ si offendant in aëre atomos sibi si-  
 miles, se cum iis uniunt, illasque facilius, quam particulas  
 diversæ naturæ ad centrum suum deducunt. Simili enim  
 simile gaudet. Omnis autem similitudo consistit (α) in  
 æquali pondere, quod in globulo mundano conspicuum  
 fit (β) in conveniente crassitie, hinc plura dantur corpo-  
 ra fluida, quorum neutrum cum altero intimè misceri  
 potest; (γ) in eadem figura, quodlibet enim corpus pro-  
 priam suam habet figuram, uti ex diversis salibus id clarè  
 demonstratur. Sal commune est octangulare, (*hat acht  
 Ecken in die Vierung*) nigrum sexangulare, (*sechseckig*

in Stangen/) sal ammoniacum in sex cuspides fastigia-  
tum, (läuft in 6. Ecken aus/wie der Schnee /) sal urinae  
quinquangulare. A dictis hisce similitudinis speciebus  
varia dependent phaenomena & experimenta. Artifices ad  
conglutinanda fracta vasa semper glutini limaturam ejus-  
dem materiae immiscere solent, ex qua vas factum. Ma-  
num combustam, si igni applicetur, facilius curari in vulgus  
notum. Mappa succo mororum maculata facilius pur-  
gatur eo tempore, quo mora florent. Referunt historiae  
Medicae, duas foeminas naevi laborasse materni, quarum  
altera collo impressam habuisset figuram mori, fragorum  
altera, ambaeque varia fortissimum incommoda maturescen-  
tibus fragis morisque. Si gum. Gij hallice aut digito tan-  
gas, annulus aureus in ore aut brachio opposito totus gum. res  
obducetur. Notatu quoque dignum venenum à Taran-  
tulis communicatum, quod majores dolores majusque  
periculum efficit redeunte tempore vulnerationis. De  
naso artificiali historia ex *Helmontio* notissima. Notandum  
autem particulas exhalantes, quamvis varia offendant  
corpora, vires tamen suas inde non amittere, sed retinere,  
donec symbolicum corpus inveniant. Plura vide in *Borelli*  
*Append. ad tert. Observ. Centur.*

§. 10. Denique atomi simul abripiunt id, quod con-  
junctum erat particulis, quas secum deducunt. Hic cura-  
tionum magicarum & magneticarum totum fundamen-  
tum situm. Effluvia enim patientum, quando offendunt  
particulas ejusdem individui, easdem secum ad centrum  
suum rapiunt. Quod si istis particulis aliae salubres sint an-  
nexae, corpori patientis sunt emolumento; sin vero noxiae,  
damnum inde patiens perferre solet. Cetera autem ac-  
tivistatis sphaera requiritur ad actiones magicas & magne-

ticas perficiendas , quæ ex agentis virtute ac robore meti-  
tienda. Quò fortior corpusculorum motus, eò longius  
illorumvis atque efficacia sese extendere potest. Vides er-  
go, *actionem indistans* per leges etiam mechanicas quo-  
dammodo explicari posse , ut itaque Cartesiani non ne-  
cesse habeant , omnes actiones curationesque magicas ,  
quæ magna ex parte hòc fundamentò nituntur , ceu meras  
superstitiones-rejicere.

§. II. In superioribus paragraphis de motu corpu-  
sculorum, effluviorum , particularum , atomorum &c. fre-  
quentem feci mentionem. Hinc merito quis objiciet, me  
multa quidem de *motu* locutum , *movens* autem esse obli-  
tum ; nullam enim materiam propriò gaudere motu. Ast  
ille sciat, me hic per corpuscula , atomos , particulas certà  
formà præditas, non intelligere meram materiam uti Car-  
tesiani , sed *compositum seu mixtum ex materia & spiritu* ,  
ex quibus duobus principiis omnia corpora naturalia con-  
stant. Materiam seu substantiam corpoream motu pro-  
prio non gaudere , vel ex sola ejus *essentia* probari potest ;  
quæ in extenso consistit. Extensum autem esse, passio-  
nem indicat ; extendens enim supponitur , quia nil aut  
à semetipso patitur , aut in se ipsum immediate agit. Con-  
tra ea spiritus existentiam & præsentiam in omnibus cor-  
poribus naturalibus evincunt (a) *Tò esse* materiæ, quæ , ut  
merè passiva , ita per se subsistere nequit , (β) materiæ *es-*  
*sentia*, quam ipsi Cartesiani in extenso quærunr : extensum  
autem esse sine extendente non concipi potest, sive exten-  
sio intrinseca sit, sive extrinseca ; (γ) *Forma* corporum ,  
quæ nobilior esse debet materia , (δ) *virtus movens* , quæ  
substantia quædam sit necesse est ; si enim inter accidentia  
referre vellem , accidens nobilius foret substantià , quod  
absurdum :

absurdum: (1) *motio*, quæ fieri non posset, si omnia materia essent repleta. Motus enim materiae spatium requirit, spatium autem non est vacuum. Ergo necessario spiritali essentia plenum erit. Quoniam omnia hæc experimentis & pluribus rationibus ob angustos terminos, quibus dissertationem hanc includere cogor, ulterius illustrare nequeo, vide sis supra citatum librum *Excell. Thomassij*. Rectè igitur nonnulli Physici ac Medici subtilissima corpuscula ob summam activitatem *spiritus materiales* vocant.

§. 12. In horum itaque *spirituum consymbolismo & harmonia* totum naturalis Magiæ fundamentum positum est. Quando enim spiritus, qui velocissimam motionem nobis moliri possunt, arte ad certum terminum diriguntur, ibi virtutem suam exercere ac stupendos effectus producere valent. Actio autem dirigens rarissime *animalis*, sed semper ferme *naturalis* est, quæ igitur instituenda imprimendo rebus *terminum & modum* magiæ operationis. Hæc duo probè tenenda, cum magnum momentum in iis lateat. Semper respectus est habendus ad *terminum* *sive harmonicum objectum*, quod específicos spiritus recipere, novisque donatos viribus remittere possit. Nec negligendus *modus* operationis, qui, nisi intentioni Magi respondeat, effectum voto contrarium producet. Exemplum rem illustraturam vide infra *Cap. IV. & V.* ut & in *Chirurgia parva Job. Agricola p. m. 566. & seqq.* Caterum non dubitandum, spiritus hominis potentiam habere extra corpus suum divagandi, seque cum aliis rebus conjungendi. In sagis minimum res manifesta, per fascinatas enim res fascinationes in lamias retorqueri, & hæc gravissimis affligi possunt cruciatibus. Quod non fieret, nisi revera lamia-

rum spiritibus rebus fascinatiis adhererent, uti præclare in Collegio suo Physico notavit *Excell. Dn. D. Vessi*, Patronus, Præceptor & studiorum meorum Promotor æternum devenerandus.

§. 13. Dixi superius §. 1. *hujus capituli* omnes ferme Magos *astrorum influxum* statuiffe. Inquirendum igitur fuisset, num firmo ille stet talo, quem multi Neoterico- rum negare, variisque destruere rationibus sunt conati. *Vid. D. Carolus de la Font in Tr. de Peste Diss. I. Cap. VI. & Cass. Schottus in cursu suo Mathematico aliquæ.* Verum quoniam brevitati studendum, aliorum argumentis refutandis non inhærebo, meam saltem mentem paucis explicaturus. Primum nemo negabit, Lunam virtute sua in corpora sibi subjecta manifestè agere, cum vel rusticis id notum sit, qui, si semina radicum v. g. raparunt, siserunt &c. crescente luna in terram abscondant, loco radicum nix ferme nisi herbas ejusdem speciei accipiunt; quod si vero decrecente luna herbas seminent, radices quidem augmentum capiant, herbarum autem vis vegetativa imminuitur. Et observarunt Medici ac Chirurghi, referente *Waldschmidtio*, non solum vulnera capitis in plenilunio ob cerebræ turgescentiæ majore cum periculo conjuncta esse, quam in novilunio, ubi cerebrum magis subsidet: Sed & omnia purgantia feliciorum effectum fortiri decrecente luna. Quis præterea de solis influxu in corpora inferiora item movebit? Nullam ergo video rationem, quare non & reliquis planetis ac stellis fixis, si non parem, aliquam saltem vim in sublunaria attribuere velimus. Neque obstat distantia illa ac immensum spatium, quod est inter orbem nostrum ac siderum vortices: in fluidis enim corporibus, & accedente præsertim convenientia sitis, effectus indistans

impediri nunquam possunt. Multo minus opponendus momentaneus aspectus, nempe revolutio, oppositio &c. cessante enim causâ, non statim eò momento & effectus cessare debet. Aspectus quidem momentanei, instantium autem signa, præteritorumque vestigia per plures dies in sanguine manifesta reperiuntur, præcipue circa æquinoctia & eclipses, quæ verò ideo non omnibus nocent, quia non omnium sidera natalitia æquali aspectu tangunt. Hinc *Waldschmidius in Astrologo suo Medico*: si, inquit, sidera alicujus hoc tempore influentis magna sit cognatio cum natalitio agri, ipsa curatio erit difficilior, quod non advertentes Medici, nihil fere habent, quo curationis difficultatem variasque recidivas sæpius excusare possunt, expertis crede *Roherto*. Huc spectant morbi astrales, quorum quidem mentionem facit *B. Joh. Arndius lib. II. cap. ult. Veri Christianismi*, curationem vero tradunt *Paracelsus & Haerpius in Trifolio Medico lib. I.*

§. 14. Dicendum nunc fuisset, in quonam astrorum influentia in sublunaria consistat, cum fatente ipso *Cassio Schotto*, cœlestium virtutum effectus à solo lumine & calore dependere nequeant: verum cum res majoris sit momenti, quam ut duobus vel tribus verbis proponi possit, silentiò illam præteriens hoc saltem notari velim, omnia corpora sublunaria omnesque homines astrorum influxui ac dominio subesse, exceptis verâ vivâque fide prædiis Christianis, in quibus Spiritus S. virtus vim astrorum infringit & suffocat, ut non amplius Saturni, Martis, Veneris &c. sed solius Dei Filij vocari mereantur, sicut id egregiè ex sacris literis demonstravit *B. Arndius* loco citato. Cæterum Mago, qui astrologiam ad suam disciplinam ritè applicare cupit, novæ observationes astrologicæ opus sunt,

cum veterum Ephemerides ob stellarum translationem  
sepius fallant. Observarunt enim Mathematici post  
annum 1770. nullam stellam amplius in Ariete futuram sed  
omnes in Tauro : Tauri plurimas in Geminis, Geminor-  
um ferè omnes in Canero &c. ut ita non mirum, si effe-  
ctus veterum observationibus non respondeant. Quam-  
maximè igitur necessarium videtur, novam astrologiam  
ab experientia petitam cudere, quamvis illa optanda ma-  
gis sit, quam speranda. Astrologia hæcce quomodo ad Me-  
dicinam sit applicanda, docet *Abdias Trew in Astrologia  
sua Medica.*

§. 15. Antea quidem asserui, actionem dirigentem  
plerumque naturalem esse, animale tamen ideo prorsus  
negare nolui, quia nonnulli Philosophi ad magicas quas-  
dam operationes intentionem requirunt, quæ spiritus extra  
corpus suum oberrantes determinare, & ad certum quod-  
dam objectum amandare debeat. Hinc *Marcus Marci in  
Philosophia Veterum restituta* existimat, sine bona vel ma-  
la intentione effectum utilem aut noxium nonnullis in re-  
bus nullatenus respondurum. Et *F. Rogerius Bacon Anglicus  
Tr. de Mirabili Potestate Naturæ & Artis.* Leprosus, inquit, &  
citiùs & fortius alteri nocet, si ex desiderio vehementi con-  
gitatione & sollicitudine intendat alium inficere. *Natura  
enim* [ut *Avicenna* docet lib. de anima, & 8. de animalibus]  
*obedit cogitationibus & vehementibus animæ desideriis.*  
*Nam cogitatio primum movens, deinde desiderium confor-*  
*matum cogitationi, postea virtus animæ in membris; quæ*  
*obediunt cogitationi.* Sententiam hanc pluribus rationi-  
bus & exemplis probatam illustratamque invenies in *Al-  
berti Magni Tract. de Mirabilibus Mundi*, statim sub initio.  
Meum judicium interim suspendo, citubante adhuc



animò in hac re , contentus, senihil prætermiserim, quod ad operationes Magicas conferre videbatur.

§. 16. Caterum ingenuè fateor, per multas esse operationes ad naturalem hanc Magiam referendas, quarum sanè nulla manifesta causa reddi potest , quin ad specificas corporum naturalium virtutes respiciendum ; verum has bene cognoscere, hoc opus, hic labor. Unicum adhuc restat adminiculum , vera scilicet rerum signatura per paucis hodie nota. Hanc qui probè caller , primum sapientiæ Salomoneæ gradum affectus videtur. Clausus hic Naturæ liber non nisi assiduarum precum indefessique studii clave aperiri potest , apertus autem veras medicaminum facultates ac certissimam curandi methodum tradet, digitòque monstrabit. Ast submissò hic animò opus , qui ignorantiam suam ingenuè fassus , DEUM calidissimis invocet precibus , ut summæ ac solidissimæ suæ sapientiæ rivulos in se maximâ mentis caligine circumfusus clementissimè derivare dignetur. Equidem non inficior , me horum mysteriorum admodum rudem adhuc esse ; Verum clementiâ Divinâ fretus , planè mihi persuasum habeo, si profundissimæ hujus sapientiæ cupidi frequentia sua suspiria mecum ad DEUM mittant, nos summi Numinis auxilium, hæc quoque in re abundè esse persensuros. Conscriptit quidem Tractatum *Oswaldus Crollius de Signatura*, Basilicæ ejus chymicæ annexum , & *Thurneufferus* volumen quoddam figuris ornatum edidit ; sed circa corticem plerumque versantur, nucleum parum tangentes. Opeandum foret, ut *Maxwelli* opusculum de *Herbis Sagacibus* & *Nota ad Crollii Tr. de Signatura* lucem aspexissent. Unicus interion *Teutonius* sit dictus *Philosophus*. Solida hujus mysterii fundamenta docuit *Tr. de Signatura Rarum*, libellò intellectu

quidem difficillimò, lectione tamen dignissimò, quem, qui capere potest, capiat.

## CAPUT III.

De

### DE PRÆCIPUIS MAGIÆ NATURALIS MEDIIS.

§. I.

**O** Stenſis breviter *principiis*, ex quibus plurimi naturalis Magiæ effectus deduci poſſunt, *media* nunc examinanda veniunt, per quæ Magi plerumque agere, ac morbis mederi ſolent. Referri quidem hūc poſſunt omnium corporum naturalium occultiores facultates atque virtutes, quibus Philoſophi ſtupenda miracula edidere: Verum quoniam ad uſum Medicum tantummodo reſpicio, in quatuor iſta adminicula, quorum ope Magi morbos proſtigare, ſanitatēque reſtituere allaborarunt, inprimis inquiram, *verba ſcilicet, characteres, tranſplantationem & nudam applicationem.*

§. 2. *Verbis vel ore prolatiſ, vel ſcripto comprehenſiſ* num tanta viſ atque efficacia inſit, ut morbos cujuſvis ferme generis depellere, ac ægrotum naturali viâ reſtituere ſanitati poſſint, demonſtratu admodum difficile eſt. Equidem ſi magnorum Virorum autoritates ſufficerent, quaſtio extra omnem controverſiā aleam poſita foret. Certis enim verbis, certam vim ineſſe, multosque morbos illis ceſſiſſe, aſſerunt *Origenes* contra *Celſum*, *Plato*, *Plinius*, *Paracelſus*, *Helmontius*, *Sennertus*, *Delrio*, *Augerius Ferrerius*, *Fernelius* &c. Nec deſunt exempla, quæ morbos verbis ritè applicatiſ ſublatoſ reſtantur. *Petrus Borellus Obſerv. Phyſico-Med. Cent. 1. Obſ. 19.* refert, caput pauperiſ vermiſ plenum à ruſtico quodam, multis fruſtra tentatiſ remediis, ſanatum eſſe per verba quædam ad decerpta folia

ebuli pronunciata : & *Obs. 94.* Prætoris Castrensis mentionem facit , incurabili ferme hæmorrhagiâ laborantis , qui simulac carmen verbaque incognita & ab amico in uva oblata , inscius deglutivit , à malo est liberatus. *Cent. III. Obs. 62.* vidi , inquit , amici cujusdam mei filium tabe maximâ detentum , cui nulla profuerunt remedia , tandem vero à quodam solis verbis curatum , nescio an verbis illis vim assignare debeat , an verò fidei & imaginationi eorum. Plura invenies apud *Fernelium lib. de Abdit. rerum caus.* & *Marcellum lib. Secretorum.* Id saltem miror , nullum citatorum autorum ullam virtutum verbalium physicam causam adhuc dare potuisse , siquidem omnes ad experimentorum certitudinem viresque sibi ignotas provocarunt.

§. 3. *Vallesius* , *Borellus* & alij nullis moti autoritatibus , quia rei veritatem experienciâ abundè comprobatam viderunt , semper implicitum pactum cum Dæmone supponere , firmamque tam medentis , quam ægrotantis imaginationem. Sed quorsum referent illi historiam narratam à *Job. Agrisola Chirug. Parv. Tr. II. p. 173.* Offendit hic in Austria artificem , à quo quamlibet hæmorrhagiam per sex hæc literas O I P U L U sistere didicit , rem autem tentare noluit ob metum iræ Divinæ , donec Naumburgi Præfecto equitum mortisque candidato , omnibus adstringentibus *magis* incassum adhibitis , magicum hoc remedium consensu alterius cujusdam Medici sine ulla superstitione applicaverit , & statim hæmorrhagiam curaverit. Hic quia neque in Medico ob pietatem , neque in patiente ob ignorantiam ulla observari potest falsa imaginatio aut superstitio , unde tam subitaneus effectus ? Quod si igitur & Medicus & patiens soli fidentes DEO , à pacto quoque implicito cum cacodæmone immunes , adhibitis ejusmodi

magicis remediis, salutem optatumque finem saepius conser-  
querentur, nullas sanè viderem rationes, cur effectus im-  
mediatè Satanæ adscribi debeat. Sequor interim *Helmonsti-  
um*, qui *Tr. in Verbis, Herbis & Lapidibus magna virtus* &c.  
dicit, se virtutem verborum plus admirari, quam applicare.

§. 4. Idem ferme & de *characteribus* statuendum ju-  
dico, quibus certæ materiæ impressis omnis generis mor-  
bos sanari posse, Veterum nonnulli sibi persvaserunt. Ma-  
gna hinc atque proluxa volumina de characteribus conscri-  
psere, quæ in compendio invenies in *Paracelsi libris Archi-  
dox. H. Corn. Agrippæ Occultæ Philosophiæ & Caesaris Longi-  
ni Tr. de Secretis Magicis*. Et tantam quidem vim atque  
virtutem antiqui Philosophi hisce rebus attribuerunt,  
quantam vix ulli alijs corpori naturali. Verum rectè mi-  
hi sentire videtur *Marsilius Ficinus*, qui *lib. III. de Vita  
& ælicis comparanda* existimat, si quæ efficacia characteribus  
insit, illam non tam figuræ quam materiæ adscribendam  
esse, plurimum autem à fide & imaginatione hominum  
dependere. Ne itaque & offendiculum præbeam, & aliis  
ad superstitionem ullam occasionem monstrum, in magica  
magicorum morborum curatione à verbis & characteri-  
bus prorsus abstinui, quinquam *F. Rogerius Bacon Tr. de  
Mirabili Potestate Nat. & Art. Volumini II. artic. auriferæ  
insæritus p. 328. Utiliter*, inquit, *Medicus characteres ad-  
bibere potest, non ob propriam efficaciam, sed ut devotius  
& avidius recipiatur medicina & excitetur patientis ani-  
mus, & confidat alterius. Naturam enim excoctam multum  
in corpore efficere potest.*

§. 5. Tertium curationum magicarum medium  
*transplantatio*, ars est, per quam Naturæ peritus morbum  
mediis licitis ex homine aliòsum transfert, ut sanitas ex-

inde sequatur. Fit transplantatio juxta *Maxwellus* sex modis (a) *inseminatione* (β) *implantatione*, (γ) *impositione*, (δ) *irrotatione*, (ε) *infuscatione*, & (ζ) *adproximatione*. Ad omnes ferme hæc species *magnes* sive medium connexionis requiritur, *mumiā* i. e. spiritu vitali patientis imprægnatus, qui à variis variè arte paratur ex sanguine, fecibus alvinis &c. Illius defectum sudor exceptus, urina, feces alvinæ, sanguis, capilli, præsemina unguium sine ulteriori præparatione artificiali supplere possunt, si ritè tractentur subsequenter sex modis. Semper enim aliquid de spiritu vitali simul excernitur, & iisdem inest participatio vitalis extra concretum naturale, unde prout hic alteratur diversimodè, varia subsequitur alteratio in corpore. *Inseminatio* fit, quando *magnes* spiritu vitali seu *mumiā* imprægnatus miscetur cum terra pingvi in fictili, in illam semina herbarum specificitarum & intentioni aptarum conjiciuntur, terra membri morborum loturà irrigatur, & propullulans planta in similem transfertur. *Implantatio* eadem ferme ratione perficitur, modo loco seminis herba cum radice vel radix sola sumatur, ac in ejusmodi terram magneticam transplantetur. Si autem planta vel radix ante marcescat, quàm morbus planè curatus fuerit, cura hæc repetenda. Ad curationem *impositione* obtinendam, magnetem arbori, plantæ aut radici s. a. ineludas, & longævus quidem arboribus, si durantem effectum desideras; si vero velocem, citò crescentibus utaris, ex quibus voto completo *magnes* iterum eximendus. Ut *irrotatio*, quæ per se sine aliorum modorum conjunctione valde dubia, citò absolvatur, excrementis herba vel arbor specifica irriganda, & aliā terrā obtegenda est. Communissima & tutissima via in *infuscatione* querenda, quæ fit, quando

quando magnes mutua imprægnatus animali devorandus propinatur. Brutum id morbo prorsus infectum necari, & cum alio eadem ratione procedi debet, dum curatio sit absoluta. Ultima transplantationis species, *adproximatio* dicta, fit, quando vel plantæ vel animalium partes corpori morbidò applicantur, ut morbum quasi attrahant, & salubrem suam virtutem morbidæ parti communicent. Exempla in sequenti capite rem illustrabunt.

§. 6. *Nuda applicationis* modi duo dantur, *impositio* & *applicatio* strictè sic dicta. *Impositio* fit, quando medicamentum qualitate aut signatura conveniens intentioni, cum magnete miscetur, aut in illum imponitur, ut in pulveris sympathetici usu hoc observatur, vel quando excrementa magnetica in pharvacum quoddam immittuntur, v. g. in Unguentum armarium, aquam sympatheticam &c. Applicatio strictè sumpta dicitur, quando parti corporis dolenti externè remedia specificâ virtute gaudentia, quæ ex omnibus tribus regnis peti possunt, appenduntur & applicantur. Remedia hæc partim lege artis parata, partim vero per se sine ulteriori præparatione adhibentur. Pertinet hûc modus abortum præcavendi, infra nominandus & *amuleta* zenexta *Paracelsi* dicto, quæ olim magni facta, parum hodie æstimantur. Librum sat doctum atque elegantem de iis edidit *B. Wolffius*, inscriptum: *Scrutinium Amuletorum Medicum*. Generaliora præcepta hîc quoque tradi debuissent, juxta quæ & transplantatio & nuda applicatio fuissent instituendæ, nisi brevitati mihi studendum esset. Remitto itaque curiosum Lectorem ad *Helmontium*, *Maswellum*, *Fladdium* aliosque Autores, properans ad usum practicum, sine quo Theoria Medica frustranea est atque inutilis.

173 30. 28  
CAPUT IV.

De  
MAGICA MORBORUM CURATIONE.

§. 1.

**A**bsolutis iis, quæ ad aliqualem *naturalis Magia cognitionem theoreticam* spectare videbantur, ad *praxim* progredior, in nonnullis corporis humani affectibus monstraturus, quomodo magica morborum curatio institui debeat. Huncce curandi modum aliis certioribus magisque consuetis remediis nullo modo præfero, sed solum, adhibendum puto, omnibus vel frustra tentatis, vel patiente à medicamentis prorsus abhorrente, vel denique urgentibus maximis doloribus, ubi plura una vice, si fieri potest, oportet tentare. Nec ad propriam experientiam provocare possum, sed Virorum in arte Medica excellentium relationibus nitor, qui plurimum in hac resunt experti, ea prætermittens, quæ cum præceptis artis non conveniunt. Interim tamen curationes magicas non statim rejectas velim, si effectus prima vice voto non respondeat, facile enim in modo operandi errare potest Medicus, ille præsertim, qui Magiæ fundamenta non probe callet.

§. 2. *Omnes totius corporis humani affectus* facile sanari posse creduntur, si sanguis patientis crudus & calidus adhuc testæ ovi includatur, gallinæ fovendus ad putrefactionem usque supponatur, post cum pane aut carne mistus bruto devorandus tradatur. Laudant alii sal volatile ex ægroti urina paratum & cani cum cibo propinatum. *vid. die Schatz-Kammer der Natur p. m. 59.* Contra febres intermittentes tam tertianas, quam quartanas, Bartholinus parat pulcem ex urina ægroti & farina similaginea, quam arbori illinit, ut avibus in prædam cedat. In inferiori Sa-

xonia

zoniam contra eosdem morbos patiens siliqinem durante,  
paroxysmo in manu tenet, ut sudore madeat, postea serit  
& hoc modo sanitati restituitur. Nonnulli scarabæum,  
vivum hinc flavo insunt de colloceum amuletum suspen-  
dunt, aut ungues pedum ac digitorum abscissos cancro vi-  
vo alligant, quem iterum in aquam conjiciunt. *Vid. Gocle-  
nij Mirac. Natur.* Hic loci quidam pro secreto habent Vi-  
triolum Cyprinum, cujus dr. ij. vel iij. in forma amuleti  
utuntur. *Conrad. Kubrad in Medulla de Stillatoriâ p. 376.*  
commendat ovum in ægri urina coctum, excorticatum &  
in formicarum acervum absconditum. Dictæ febres quod  
hoc modo feliciter curentur, ideo fieri putô, quia per  
multi paroxysmi curam præcedentes materiam febrilem,  
plerumque jam dissiparunt, alioqui enim, quod de China  
præpostero usu timeamus, & hic omnino metuendum foret.

§. 3. Ad capitis affectus progredior, ubi se primum  
offert dolor, qui curatur, si prægressâ purgatione magnes  
quidam emunctoriis capitis & conjunctioni futura corona-  
lis & sagittalis applicatur, sudor vel appropriato diaphore-  
tico vel motu fortiori elicitur, ut magnes sudore bene in-  
prægnatus, secundum præcepta artis tractari possit, vel per  
implantationem in terra pingvi cum Verberna, Salvia, Pœo-  
nia, & in affectibus calidis papavere, vel per impositionem  
in juglande. Plura de hoc affectu vide in *Maxwelli Tr. de  
Curatione & Magnetica Lib. III. cap. unic.* Ad Maniacos com-  
pescendos sterqus humanum sub terra sepultum, donec in  
pulverem redeat, capiti & alis ægri imponunt; Ast hoc  
non magni faciendum censet *B. Rosfrucius in Epis. Method.  
Cogn. & Curand. Morb. p. 80.* Korella, sole leonem in-  
stante, sudoreque cœlo collecta ac collo appensa plura in  
hoc casu præstare creditur. Quomodo Epilepsia per amule-



tum ex Sambuco desumptum curari possit , docet *Mangelus in notis ad Praxin Barbett. p. m. 15. 16.* ubi & iudicium suum fert de carbonibus sub artemisiâ effosis. *Gruviore* *narium hamorragia* ut citò sistantur , adamas sub lingvâ detineri , pulvis sympatheticus sanguini immisceri , aut sanguis è naribus in ferrum candens demitti potest. *Dentium dolor* ad modum sensibilis , & interdum ferme intolerabilis esse solet , permulta ideò quæsitæ sunt remedia ad illum sedandum. *Paracelsus* Persicariam recentem in aqua maceratam dolenti loco applicat, donec incalescat, postea in sinum sepelit, ut putrescat. *Helmontius* laudat officulum brachii bufonis, *Heurnius* os dextri femoris, quod si gingiva partis dolentis benè fricetur, dolor cessat. Transplantatur quoque dolor in salicem, sambucum, corylum &c. hòc modò: separato non nihil cortice excinde festucam, hac gingivas & dentem dolentem punge, dum sanguinem fundant, postea festucam cruentatam in suum locum repone , & corticem reductum luto benè muni. Confer *Daniel Beckeri Microcosm. Med. lib. 1. c. 14. p. 75. seqq.* Convenit hic modus in recidivantibus & habitualibus odontalgiiis. *Illust. Dygbi* jubet clavogingivas attollere, ut sanguine conspurcetur, eumque arbori insigere usque ad capitellum. Nonnulli quidem frictionem dente defuncti præcipiunt, verùm dentium casus, teste *Helmontio*, subsequitur. *Rhases apud Ferroxium de Art. Med. inf. p. 183.* asserit à proprietate dentium dolores leniri, & mortui dente è collo infantis suspenso, res admiratione dignas apparere. *Höfferus* verò in *Hercul. Med. p. 68.* Ego, inquit , ut sunt *Arabes & Egyptij* superstitione pleni, supersticiosum credo esse remedium , nisi subsit singularis quædam antipathia soli experientia cognita. *Serumas aliasque corporis*

*excreſcentias per ſolum manûs mortuæ attactu ſanatas* obſervarunt Viri fide digniſſimi. *vid. Magnif. Wedelij Phyſiol. Med. Sect. III. c. 27. ut & Ephemer. German. ann. I. Dec. 11. obſerv. 11. & ann. II. Dec. 1. obſ. 140. p. 399.* Laudant quoque ad eundem affectum funem, quo fur aut alius fuit ſuſpenſus, monilis loco geſtatum.

§. 4. *Medis ventris affectum primarium phthiſin ſequenti modo curari poſſe nonnulli ſunt perſaſi* : R. Siliquarum [Johannis Brodt] q. v. infunde per 24. horas in ſ. q. vini generoſi. Poſtero die, miſſâ prius urinâ, bibe infuſum, novem dies continuando & ab alio potu prorsus abſtinendo, collige interim omnem urinam excretam, hanc in fumum ſuſpende, ut pedetentim conſumatur, & phthiſis ſenſim curabitur. *Hæmoptiſi* phthiſin interdum comitanti medetur Medicus, ſi ſputo cruento pulverem ſympatheticum immiſceat. Ad *abundantiam lactis in mammis* minuendam nonnulli ſvadent, ut mulier lacin prunas aut ferrum candens emulgeat, hoc enim modo mammas ſteriles futuras putant. Hinc *Borellus in Append. ad Obſ. Medic. Cent. III.* lege Divinâ cautum judicat, ne caro hæduli matris à lacte coquatur.

§. 5. *Iſtericum*, ſi urinam ſuam ſuper ſtercus equinum excernit, curari dicitur; ſin verò ex ejusdem urina additò lacte & pane ſimilagineo juſculum paratum cani propinetur, prognosticon ſignum exinde peti poteſt, moriente enim cane, & æger mortem non effugiet. *Sodam ſolius Carolinæ* intuitu curatam refert *Wedel. in Amœn. Mat. Med.* Ut *dolor colicus* non ſolum mitigetur, ſed & prorsus auferratur, excrementa tempore paroxyſmi reddita ſepeliuntur in loco à viatorum frequentia remoto, gramen quod ſuper terra, cui ſtercora fuere commiſſa, creſcit, bovi vel

agno pabuli loco offertur , quod ubi comederit , colica  
 transplantabitur ab homine in brutum , & nunquam illum  
 iterum affliget. *Vid. B. Rolsint. cit. libr. p. 267.* Caput mor-  
 tuum Oli facibus alvinis immixtum *dysenteriam* sedat.  
 Idem quoque efficit Persicaria cum vino decies chalybeato  
 in mortario contusa , ad cataplasmatismis consistentiam cocta,  
 lumbis circa renes applicata & infimo equino sepulta. *Bo-*  
*rellus* in eodem affectu Argentæ folia plantis pedum 24.  
 horas applicare jubet *Cent. I. Obs. 13.* *Atrophia* sive *tabes*  
 curatur teste *Harsmanno* , si in ollula nova in urinâ ægri  
 ovum ad duritiem usque coquatur , induratum ligno acu-  
 to hinc inde perforetur , ut foraminula ad vitellum pertin-  
 gant , perforatum cum reliqua urina iterum coquatur ad  
 hujus consumptionem & denique ovum sic paratum in a-  
 cervo formicarum sepeliatur. Alii sanguinem patientis o-  
 vo inclusum iisdem animalculis propinant. Curatio *arthri-*  
*tidis* per radicem Bryoniæ (die Gicht-Rübe) est notissi-  
 ma , in modo operandi solum nostrates non nihil disse-  
 runt , qui sufficere putant , si patiens certâ noctis horâ di-  
 ctam radicem in alium magisque occultum locum trans-  
 ferat , cum alioqui Medici siveadeant bryoniam prius exca-  
 vare , & sanguine per cucurbitulas extracto implere , quàm  
 transplantatio instituat. Sunt , qui à sanguine certâ ple-  
 nilunii horâ per cucurbitulas misso , & formicis ad consu-  
 mendum tradito certiore salutem sperant. *Podagra*, quæ  
 arthritidis species est , mediante sanguine & urinâ in arbo-  
 res , salicem in primis transfertur. Modum vide apud *B.*  
*Timeum à Guldenslee/Epist. Medic. Lib. V. Epist. 8. cum*  
*preced. p. 812. seqq.* ubi & alius curandi modus proponitur.  
 Quid *Trallianus* contra hunc affectum ex hyoscyamo com-  
 mendet , legi potest in *lib. supr. alleg. B. Rolsintii p. 390.*

§. 6. In partu difficili laudatur in primis lapis artices , de quo *Birckornus in Hermete Radativo Cap. 16. p. 103. in promptu habeat*, inquit, *obstetrix lapidem articum verum*, quoniam parturienti coxis admovebit, nam si brachio forte esset alligatus, nec removeretur, partum prohiberet, retinendo fetum, post partum vero à coxa removendas, aliàs & usoriam cum secundinit ejiceret. Conducere quoque creduntur caruncula lachrymalis ex dextro corvi oculo, liquor grumofus in canthis oculorum cervi, cor gallinæ nigræ, urina mariti, stercus accipitris, testes equi &c. Si foemina statim à primo partu frustulura secundinæ, magnitudinis avellanæ, in vino dissolutum sumserit, libera futura dicitur in omnibus sequentibus partibus, à colico & ventris dolore. Ad abortum præcavendum coque pellem leporinam in lacte dulci, & in inverso modò abdomini applica, ut pilicutem tangant, & cauda superiorem, caput vero inferiorem regionem petat. Ad nimium mensium fluxum sistendum linteum sanguine menstruo irrigatum in ignem conjicias. Incontinentiam urinae puerperarum curat bufo vivus calcinatus & appensus, ut regioni stomachi imminuat. Vid. *Heinr. ab Hleer Obs. Medic. Obs. 14.* & *Boyle Philosophiam Experiment. p. m. 116.* Ad amorem conciliandum varia commendantur. *Holmonsius Tr. de Magnet. Vuln. Curat. §. 27.* Novit, inquit, herbam passim obliam, quæ, si teratur, donec integer sit, max aliter manu detinueris, quoad ille tepescat, amoremque, ille coitus continuo ardet ad aliquot dies. Detinui pedem ejusdam catuli, hic confestim peregrinum me secutus adeo, ut noctu ante cubiculam ejularet, usque quò eidem aperirem valvâ à vera sua. Adjunt *Bruxellæ* mihi hujus facti testes. Hæc ille. *Waherni autem in Anthes. sacr. sauciat. p. 28.* putat, quatuorlibet herbam, quæ spiritum vitalem suscitare potest, hæc esse præstitoram. Sanguis siccatus & pulverifatus tertium præbere philtum statuitur.

cur. Verùm optimè mihi sentire videtur *Seneca Epist. 9.* dicens: *Ego tibi monstrabo amatorium sine medicamento, sine herba, sine ullius venefica carmine; si vis amari, ama: vel ut Poëta quidam monet: (ut amaris, amabilis esto.)*

§. 7. Modum *herniæ* per magnetem curandi tradit *B. Rulphius lib. cit. p. 376.* qui mihi verò ideo displicet, quia observarunt Neoterici, magnetem pulverisatum omnem attrahendi virtutem amittere. Notior & certior est ista per quertum juniorum curatio, quando scilicet per hanc dissilam infans herniâ laborans aliquoties trahitur, & arbor benè iterum colligatur, ut concreseat. Ad tollendas verrucas sumatur lardi frustulum cuti adhaerentis, illo verruca fricentur, ut incalêscant, deinde lardum versus meridiem parieti affigatur, aut in sinum abscondatur, quò facilius putrescat. Idem & poma Borsdorffiana dictâ ratione tractata faciunt. *Pulvera* lignum fraxinum attractu sanare, & cortex interior albus atque subtilis illa contrahere dicitur. Parant nonnulli ex dicto ligno baculum sole & lunâ in arietem conjunctis, cujus solò attractu quasvis hæmorrhagias sedari posse gloriantur. Notus est baculus, *das Bunderholz* dictus, qui fracturas, luxationes & contusiones sanare creditur. Conficitur hæc modò: coryli ramus ab internodiis uno ad aliud, digiti minimi crassitiem æquans, idque sole in arietis signum ingressum faciente, unicò ictu secetur, cerâ Hispanica utrinque sigilletur, ne vires ac spiritus amittat, & servetur ad usum. *Vid. Borell. Observ. Medic. Cent. III. Obs. 77.* Plura de Magia naturali & magicis curationibus invenies in *Alberti Magni Libellis Amstelod. 1669. 12.* *Schotti Magia Natural. 4. Joh. Bapt. à Porta 2. Volum. 8. cum figur. Wilhelm. Hildebrands Mag. Natural. 4. Robert. Fludd à Fluxibus Oxoniensis Operibus, præsertim in Hister. utrimque Cosmi & Philosoph. Mosaicis.*

Mosait. Gilbert. Philosoph. Magnet. Schach. Kammer der Natur  
 1681. 8. Maxvelli Medicin. Magnetic. 12. Helmontii Tract. de Magnet.  
 Vulner. Curat. Rattray Tr. de Sympasbia & Antipathia, H. Corn,  
 Agrippa Occulta Philosoph.

## CAPUT V.

De

## MAGICORUM MORBORUM CURATIONE.

§. 1.

**M**agici morbi adhuc examinandi restant, quorum in  
 limine dissertationis mentionem feci. *Magicos* vo-  
 co, quia non ordinariò modò corpora humana in-  
 vadunt, nec ex meris causis naturalibus solum dependent,  
 sed à lamiis & veneficis inducuntur ex *invidia animòque*  
*vindicta cupidò*. Hinc & morbi ex fascino appellantur,  
*Passiones enim invidere* significat, à quo *fascinatio* & *fa-*  
*fscinam* sunt derivata. *Subiectum* constituit *totum corpus*  
*humanum* cujuslibet ætatis tam masculinum, quam foemi-  
 ninum, tutelâ & protectione divinâ destitutum. Hæc enim  
 præsentem, fascinatiò nullum damnum inferre aut corpori  
 humano nocere potest. Ii præsertim fascino sunt subje-  
 cti, quorum habitus corporis est tenerior, spiritus debilior  
 & animus timidus, siquidem timor spiritus terpidos ac  
 tremulos reddit, ut eò citius noxio sagarum spiritui obe-  
 diant, præcipuè si tenerior habitus effluviis atque impres-  
 sionibus corporeis facile cedat.

§. 2. *Causa morborum magicorum* accuratè evolvi, &  
*proxima, antecedentes atque remota*, uti in aliis morbis,  
 distinctè demonstrari nequeunt, Medicus itaque content-  
 us esse debet, si veram quandam causam invenerit, ex  
 qua morbi naturam ac curandi methodam cognoscere  
 possit. *Tres præcipuè generaliores causa* sunt, per quas

E 2

fascina

fascina morboque magici induci solent, *effluvia* scilicet oculorum totiusque corporis, res naturales ex tribus Regnis petita & opera diaboli. Oculis fascina induci posse, tristis experientia abunde testatur. Quamvis enim radii visivi ex oculis non egrediantur, *effluvia* tamen emanant, quæ quando livore & invidia maligna reddita per *intentionem* diriguntur ad cærum quoddam objectum, noxiam suam vim ibi exserunt. Dantur & homines, quorum corpora naturâ tantò malignitatis viriò laborant, ut, licet nullam societatem cum Satana nullamque nocendi intentionem habeant, *effluvia* tamen eorum adstantibus maximum damnum afferant, uti referunt. A. Gellius Noct. Attic. c. IV. Plinius Hister. nat. l. VII. c. 2. & Borellus Cent. II. obs. 90. & Cent. III. obs. 67. Hinc Chirurghi non cuilibet homini vulnera aspicienda exhibent, observarunt enim per maligna oculorum *effluvia* consolidationem valde fuisse inhibitam. Vid. Job. Agricole Chirurg. parv. Verùm de hac fascinatione præter spem & opinionem factâ jam non ago, quia à fascino lamiarum quoad causam & curationem non parum differt. Præterea *naturalibus* quoque *materiis* venefici utantur ad destruendum microcosmum, quæ ex animalis regno & imprimis ex homine, quem lædere intendunt, sunt petita v. g. sanguis, urina, feces atvina, sudores, capilli, saliva & infantum lacryma, quibus malignosè tractatis noxam inferunt. Puerorum quoque cibo ac potui pharmacum immiscere aut per oscula sub specie amoris data, virulenta sua miasmata iis inspirant. Denique permulti morbi magici maximo hominum hosti Satana sunt adscribendi, qui ut mancipiorum suorum desiderio ex parte satisfaciat, permissu Divino personas lamiis invisas gravissimis morbis affligit. Ne interea Sagæ sine ullo adhibito

studio

studio & labore voti sui compotes fiant, superstitiosum ac ridiculum interdum agendi modum illis præscribit perfradens, hac ratione optatū effectum se esse consecuturas. *nonnulli venefici* characteres, verba impia & ligaturas usurpant. *Alii* acus, clavos aliaque absurda sub ostiorum liminibus, vel in lectis vestimentisque abscondunt. *Alii* imagines efformant, quas acubus pungunt vel clavis transodiunt, vel ad ignem liquefaciunt assantque, & ita dolores, ulcera, vulnera, atrophiam, febres aliaque mala inducere student. *Helmontius quidem Tr. Injuncta materialia pag. 596. seqq.* concursum diaboli negat, putans effectus hos omnes ab *ente* quodam *ideali* sive à *forti sagarum imaginatione* ortum ducere: verum mihi persuadere nequeo, à sola *imaginatione* tantam vim provenire, quanta ad horrendos ejusmodi affectus in alienum corpus inducendos requiritur. Hæc *in genere* de causis morborum magicorum dicta sunt, *speciales* nonnullas affectibus mox examinandis addant.

§. 3. Culpandus hominum mos est, ut si non statim *causa morbi* in sensus incurrant, ne *curatio* ex voto succedat, ad veneficia recurrant, famiis omnia imputantes. *Signis* itaque opus est, quæ de *fascino* testentur, & Medico, quid sit agendum, monstrent. Si Medicus *neque internam, neque externam aliquam causam* morbi invenire, nec ex parte aegrotantis in sex rerum n. n. usu *commissum errorem* observare, nec vel *per generosissima medicamina* morbo mederi possit, non peccabit, si suspensiones de fascino tacite secum foveat. *Suspicionem* hanc augebit *relatio patientis aut adstantium*, malæ fidei foeminas sibi infensas vindictam trinitas esse, vetulas malis artibus famosas fructus patienti comedendos obtulisse, manum suam aut corpus attigisse,

aut



auttoris vultu se aspexisse. Nec infidum fascini argumentum est, si forte malefica quædam cubiculum ægrotantis ingressa, hic *pejus sese habeat*, tremore & præcordiorum anxietate corripiatur; illâ recedente, levamen perferat. Notatu sane dignum est, quod refert *Joh. Agricola in Chirurg. parv. p. 571.* verba ejus hæc sunt: Wenn man erkennen soll, daß einer bezaubert sey / muß man also procediren / man soll reine Aschen in ein Töpflein thun / und der Patient soll seinen Harn darauf lassen / das Töpflein zudecken / und also von sich selber an der Sonne eintrocknen lassen / alsdenn soll man die Asche heraus nehmen und von einander brechen / ist der Mensch bezaubert / so werden in der Aschen Haar herfür wachsen / und dieses ist gar ein gewisses Zeichen / daß einer bezaubert / ist es aber eine natürliche Krankheit / so findet man im geringsten nichts / wie dieses nun mag zugehen / darff wohl nachdenckens / interim ist es gewiß: Certissimum indicium esse videtur, si *specificæ* contra fascinum exhibuerit Medicus, eademque *profutura* senserit.

§. 4. *Morbi magici* omnino sub *medicæ curationem* cadunt, quia non solum homo ægrotus semper *objectum* *medicinæ*, verum etiam, quod diabolus utitur *mediis naturalibus*, quorum ope morbos concitat. Duo autem ad curationem requiruntur, *preces* & *medicamina*. *Preces* vel ipse *Hippocrates* commendat *libr. de Insomn. c. 11. §. 12.* πρὸς τοὺς ἀνθρώπους καὶ λήνι ἐστὶν ἀγαθόν, *Orare decorum* & valde bonum est. *Precibus* devotis ac fiducia plenjs adjungenda *remedia naturalia*, quæ plerumque in alijs morbis ex triplici *Medicinæ* fonte peti solent. *Chirurgia* nihil ferme hic suppeditat; venæsectio enim, cucurbitulæ, hirudines, vesicatoria & cauteria nullius hic usus sunt. Ad *injectionum* extractionem vulnorumque consolidationem infra quædam commendabim<sup>9</sup>. *Pharmacia* plura exhibet *antivenefica*, quæ virtute *specificâ* contra *fascinum* gaudent. Ex *vegetabili* regno se

se offerunt *Filix, Valeriana, Antirrhimum, Abrassum, Verbena flore purpureo, Hypericum, Arsemisia rubra, plantago acuta, fl. bellid. albl. Origanum, Sem. Pœonia, Nigella, Fœn. Græc. Adiantum, Polytrichum, Trichomanes, Ruta muraria, Senecio, Comœa, Gnaphalium, Sideritis, Viscum Carylinum, Quercinum, Alabastrum arborescens, Thuus, Asa fetida, Camphora &c.* Herbar omnes ante solis ortum sunt colligendæ. Ex animali Regno occurrunt *Secundina primi-para pulverisate eorumque*  $\alpha^{\circ}$ . *Dens hominis demorsui pulverisatus, ossa lamiæ combusta, urea cranii humani, ster-cus & urina.* Minerale habet *Corallia rubr. & alb. quorum Tinct. cum Ess. hyper. mista valdè laudatur, Smaragdum, cujus Tinct. quæ urine parata multum præstat, Electrum mine-rale immaturum Paracelsi, quod nonnulli Cinnabarim nativum esse putant.*

§. 5. Quoniam ad finem properandum, *erium affe-ctuum* curationem tantum modo tradam, ex quibus faci-  
lè cognosci poterit, quomodo reliqui sint tractandi. Pri-  
mo se offerunt *Injecta*, quæ sunt variæ res e. g. *capilli, lin-  
tea, acui, clavi, animalcula* à lamiis in varias corporis par-  
tes translata, quas horrenda symptomata, ingentes dolores,  
intensus dolor, lipothymia, atrophia sequuntur, præsentè  
nonnunquam simul tumore in parte affecta. Arduam  
questionem, quâ ratione dictæ materiæ in corpus salvâ cu-  
te, & patiente id non sentiente injiciantur, resolutam in-  
venies in *Tr. supra alleg. Helmontii*. Ante omnia in cura-  
tione respiciendum ad *tumoris apertionem*, quæ nisi sponte  
fiat, promoveri potest *Balsamo viridi Carrichterii*, qui ita  
paratur:

℞. *Ping. Cavina unc. ij. Ros. unc. jv. Capen. unc. vj. Visc. Coryl.  
mij. Viscum contundatur, ut liquet, prodeat, deinde cum pin-  
guelli;*

F

*guedinibus in vase vitrea miscetur, & duos menses in digestionem relinquitur, postea servetur ad usum.*

Tumore aperto & exemptis injectis *Agricola stercus humanum* applicat, quod postea in fumum in vesica suspendit, denique sequens vulnerari imponit *Emplastrum* :

*Rad. Filic. unc. ij. HB. Adiant. aur. Anisrbin. ʒ. ij. Verben. mj. haec junip. mj. conc. & cont. coqv. in f. q. ▽ Adiant. aur. colat. fort. expr. add. Sanguin. Catuli unc. ij. Corall. rubr. prap. unc. j. Cera lb. β. Gumm. Visc. Corjl. unc. j. Terebinth. unc. ij. M. f. l. a. Emplastrum.*

Conducit quoque *Emplastrum fœtidum Mynsichti*. Injecta, quæ ex loco aperto sunt exempta, Theologi comburere jubent, verum quoniam hoc modo recidiva metuenda, consultius factum putat *Helmontius loc. cit.* si injecta in *berbis vi expulsiua* gaudentibus ferventur.

§. 6. *Contractura ex fascino* omnium ferè miserrimus morbus est, membra enim ibi ita contrahuntur, ut gœna nonnunquam mentum propè attingant, cum calore intensissimo & atrophia totius corporis. Sagæ hanc morbum variò modò produciunt, alia per imagines ex cœra fictas id efficiunt, alia per res ex corpore patientis desumptas maleque tractatas, alia per venena cum specifica intentione in vias effusa aut sub limine ostii abscondita. Hinc Germani dicunt : *Es sind über etwas böses oder über einen Guss gangen.* In hoc casu conveniunt balnea ex supra laudatis herbis specificis parata, & ad calorem mitigandum sequens medicamentum :

*Rad. Filic. q. v. coque in lixiv. quercin. & ▽ Adiant. aur. ʒ. ij. q. f. decocto adde sanguinis ex sinistra aure catuli gr. ij. l. jv.*

Contra tabem *Hartmannus in Prax. Chym.* commendat aquam frigidam, quæ inter potandum ex ore equorum generosorum iterum effluere solet. Adhibenda quoque sunt

*suffi-*

*fuffumigia ex Thure, Camphora, Afa fat. dente mortui pulverif.  
Sem nigell. Fan. Gras. & turbis fupra commendatis.*

§. 7. Communis quoque est malitia fagarum, in *liganda virorum potentia*, qui hac ratione impediti debitum suum conjugiale solvere & conjugii satisfacere nequeunt. Statuit quidem *Borellus Cent. IV. Obs. 65.* genitalia Virorum per fascinationem ligari non posse, sed vitium dependere à reverentia quadam, nimio gaudio, vel è contra ab odio vel à nimio ardore aut imaginatione læsa. Ast multiplex experientia aliud evincit, multi enim vires suas amittere, qui neutrum ante dictorum passi sunt. *Ligatura hæc perficitur per clausam scram, rubrarum ligularum connexionem, clavos & palum quercinum* aliasque res, de quibus filere consultum omnino duco. Incurabilis interdum hic affectus est, si res magica putrefactione consumpta sit aut amissa, ut *ligatura* iterum solvi nequeat. Modum hic proponere possem, quomodo Magus cogatur, ut *ligaturam* iterum solvat: Ast quoniam Theologi adhuc disputant de hac re, num licita sit? tacere lubet. A remediis interim *ex naturali Magia* petitis in hoc affectu certior salus speranda. Ovum in patientis urina coctum & à formicis consumptum, ut & urina in foramen pali extracti missa, cui palus iterum perverso modo infigendus multum præstitisse, historia Medica referunt. Nonnulli in Lucii vel alterius cujusdam piscis os apertum urinam excernunt, post illum vivum dimittunt, & in aquam iterum conjiciunt, & hoc quidem remedium cuidam Nobili Viro potentiam suam veneream restituisse, observavit *Generos. & Magnif. Dn. ab Hartensels/ Patronus meus maximus.* Plura apud infra nominandos autores invenies. Multi alii adhuc dantur morbi magici, quos jam recensere & accuratius examinare ob varia impedimenta nec licet, nec libet, quia

omnes ferè non solum causam aliquam communem agnoscunt, sed & eadem methodò, qua antea dicti, curantur. Hoc saltem adhuc notari velim, *animum imperterritum spiritusque robustos & alacres* in præsertione & curatione permultum conferre, supposita tamen semper gratia & tutela Divinâ. Nec inconsultum foret *patientis letum, hypocaustum & domum mutare*, illumque aliorum, transferre. De Morbis magicis eorumque curatione prolixè egerunt *Carriehierus in Gründlicher Heilung der Zauberei* Schaden 8. *Joh. Agricola in Chirurgia parva Noriberg. 1674. 8. Helmontius Tr. Recepta Injesta. it. Tr. de Injesta materialibus, Codronchius Tr. de Morbis venefic. Paracelsus in Operibus passim, Frommannus Tr. de Fascino.*

## EPILOGUS.

**P**AUCA hæc tecum C. L. de magia naturali communicare volui, æquum tuum hæc de re expectans judicium, Ardua sanè materia est, idèdque à multis rejecta, imò ad Garamantes relegata. Mitiozem igitur in partem interpretaberis, si & ego sapius forsitan in hac Dissertatione, hallucinatus fuerim, manca enim & mutila est summa hominum sapientia. De omni superstitione sanctè protestor, hinc si quid sacro codici & Divinis præceptis contrarium, videatur, palinodiâ hæc id revoco atque recanto. Cæterum maximis, quibus possum, effero laudibus celebrique immensam misericordiam DEI mei, qui non solum studiis meis hæcenus ex alto benedixit, verum etiam mihi in elaborando hoc Inaugurali Specimine clementissimè adstitit, submississimâ mente eum venerans, ut mihi & tibi solidam sapientiam firmamque tam spiritualium quam Physicarum rerum veritatem magis magisque monstrare atque largiri clementer dignetur.